

ড. জাফর ইকবালকে শিবিরের হুমকি

ভিসি অপসারণের দাবিতে শিক্ষকদের অনির্দিষ্টকালের জন্য কর্মবিরতি শুরু

আরিফ মো: শাকিল, শাবি থেকে



[**Muhammed Zafar Iqbal** (মু হম্ মদ জাফর ইকবাল) is a Bangladeshi academian, scientist writer of children's books and science-fiction and columnist. He obtained his PhD from the University of Washington in 1982. He had a distinguished career at Caltech and then worked for the Bell Labs in **New Jersey**. He is currently a professor of Computer Science at the Shahjalal University of Science and Technology. Iqbal is the main science fiction writer of Bengali language.]

শাহজালাল বিশ্ববিদ্যালয়ের ভিসি প্রফেসর ড. মোসলেহ উদ্দিন আহমদ অপসারিত না হওয়া পর্যন্ত শিক্ষা কার্যক্রম থেকে বিরত থাকার ঘোষণা দিয়েছেন শাবি'র আওয়ামী ও বামপন্থী শিক্ষকরা। গতকাল ভিসির ইন্ধনে ছাত্রশিবির কর্তৃক জনপ্রিয় লেখক শাবি শিক্ষক ড. মুহম্মদ জাফর ইকবালসহ দু'জন ডীনকে অপমান ও হুমকি দেওয়া হয়েছে অভিযোগ করে আওয়ামী ও বামপন্থী শিক্ষকরা তাৎক্ষণিকভাবে সভা করে এ ঘোষণা দেন। আওয়ামী ও বামপন্থী শিক্ষকরা সভা করার পূর্বে ক্যাম্পাসে কালোব্যাজ ধারণ করে মৌন মিছিল করেন।

এদিকে শাবির ডীনরা এক সভা করে বর্তমান অস্থিতিশীল পরিস্থিতিতে ভিসির অপসারণ চেয়ে চ্যান্সেলর বরাবর এক স্মারকলিপি দেওয়ার সিদ্ধান্ত নেন। শাবি শাখা ছাত্রশিবির ৪ দফা দাবিতে গতকাল শাবি প্রেসক্লাবে সংবাদ সম্মেলন করেছে। সিলেট ছাত্র সংগ্রাম পরিষদ প্রতিদিনকার মত গতকালও ভিসি পদত্যাগের দাবিতে মিছিল সমাবেশ করেছে। গতকাল আওয়ামী ও বাম শিক্ষকদের আন্দোলনে যাওয়ার ঘোষণায় শাবি পরিস্থিতি আরও অবনতির দিকে যাচ্ছে বলে ছাত্র.শিক্ষকরা মনে করছেন।

গত ২৪ জুলাই শাবি সিডিকেট সভা কর্তৃক ক্যাম্পাসে রাজনৈতিক কর্মকাণ্ড নিষিদ্ধ করা হয়। কিন্তু শাবি ছাত্র শিবির নিষেধাজ্ঞা অমান্য করে সকাল ১১টায় ক্যাম্পাসে মিছিল সমাবেশ করে। মিছিলে ছাত্রশিবির কর্মীরা বামপন্থী শিক্ষকদের লক্ষ্য করে উস্কানিমূলক স্লোগান দেয়। মিছিল শেষে প্রথমে কেমিক্যাল ইঞ্জিনিয়ারিং প্রধান ও এ্যাগ্রিকালচার সায়েন্সের ডীন ড. জয়নাল আবেদীনের কক্ষে প্রবেশ করে। তারা এ সময় ধর্মঘটের মধ্যে ড. আবেদীনকে ক্লাস নেওয়ার জন্য চাপ দেয়। এ সময় শিবির নেতাকর্মীরা অকথ্য ভাষায় গালিগালাজ করে বলে জয়নাল আবেদীন জানান। তারপরই শিবির কর্মীরা জনপ্রিয় লেখক ও শাবির কম্পিউটার সায়েন্স এন্ড ইঞ্জিনিয়ারিং বিভাগের প্রধান ও এপ্লাইড সায়েন্সের ডীন ড. জাফর ইকবালের কাছে যান। তারা অবিলম্বে ধর্মঘটের মধ্যে ক্লাস নেওয়ার জন্য তাকে চাপ দেন। এসময় এক কর্মচারী শিবির নেতাকর্মীদের শালীনভাবে আচরণ করতে বললে তারা ক্ষিপ্ত হয়ে ওঠে। জাফর ইকবালকে হামলা করার জন্য শিবির নেতাকর্মীরা কম্পিউটার সায়েন্স বিভাগে গেছে এমন খবরে অন্যান্য বিভাগের আওয়ামী ও বামপন্থী শিক্ষকরা ছুটে আসেন। এ সময় সমাজবিজ্ঞান বিভাগের শিক্ষক ফারুকউদ্দীনের সঙ্গে তর্কাতর্কি হয় শিবির নেতাকর্মীদের। শিবির নেতাকর্মীরা জাফর ইকবালসহ অন্যান্য বামপন্থী শিক্ষকদের জিভ কেটে নেওয়ার হুমকি দেয় বলে শিক্ষকরা অভিযোগ করেন।

ঘটনার পরপরই আওয়ামী ও বামপন্থী শিক্ষকরা নিরাপত্তা চেয়ে শাবি রেজিস্ট্রার জামিল আহমদ চৌধুরীর সঙ্গে দেখা করেন। এসময় তিনি তাদের নিরাপত্তা দিতে অপারগতা প্রকাশ করেন। পরে আওয়ামী ও বামপন্থী শিক্ষকরা কালোবাজ পরে ক্যাম্পাসে মৌন মিছিল করে প্রতিবাদ জানায়। মৌন মিছিল শেষে ক্যাম্পাসের একাডেমিক ভবন ‘বি’.এর নিচতলায় সভায় মিলিত হয়। সভায় তারা ভিসি অপসারিত না হওয়া পর্যন্ত কর্মবিরতি চালিয়ে যাবার ঘোষণা দেন। সভা শেষে এক প্রেস বিজ্ঞপ্তিতে তাদের কর্মবিরতি দেওয়ার যৌক্তিকতা তুলে ধরেন। এতে তারা উল্লেখ করেন, পদত্যাগী উপাচার্য মোসলেহ উদ্দিনের উপস্থিতিতে শাবি ক্যাম্পাসে শিক্ষার পরিবেশ অক্ষুণ্ণ থাকবে না। ছয় মাসের জন্য ছাত্র রাজনীতি নিষিদ্ধ ঘোষিত হলেও আজ প্রক্টরিয়াল কমিটির নিষ্ক্রিয়তায় ও ভিসি’র ইন্ধনে ছাত্র শিবিরের কর্মীরা সিনিয়র দু’জন ডীনকে ও অন্যান্য শিক্ষককে চরমভাবে অপমানিত ও হুমকি প্রদান করেছে। এ জন্য আমরা ভিসি প্রফেসর ড. মোসলেহ উদ্দিন আহমেদ অপসারিত না হওয়া পর্যন্ত কর্মবিরতি চালিয়ে যাওয়ার ঘোষণা দিয়েছি।

গতকাল বিকেল ৫ টায় ক্যাম্পাসে শাবি’র ডীনরা এক জরুরি বৈঠকে মিলিত হন। বিশ্ববিদ্যালয়ের বর্তমান পরিস্থিতিতে শাবি ভিসির অপসারণ চেয়ে বিশ্ববিদ্যালয়ের চ্যান্সেলর বরাবর এক স্মারকলিপি প্রদান করার সিদ্ধান্ত নেওয়া হয়। এ সময় উপস্থিত ছিলেন এপ্লাইড সায়েন্সের ডীন ড. মুহম্মদ জাফর ইকবাল, লাইফ সায়েন্সের ডীন হাবিবুল আহসান, সামাজিক বিজ্ঞানের ডীন ড. রেজাই করিম খন্দকার এবং এগ্রিকালচার সায়েন্সের ডীন ড. জয়নাল আবেদীন।

এছাড়া দুপুর সোয়া ১টায় ৪ দফা দাবিতে শাবি ছাত্রশিবির সংবাদ সম্মেলন করে। শাবি প্রেসক্লাবে অনুষ্ঠিত সংবাদ সম্মেলনে লিখিত বক্তব্য পাঠ করেন শিবিরের শাবি শাখার সভাপতি এটিএম শরিফুল আমিন সুমন। দাবিগুলোর মধ্যে আছে অবিলম্বে সকল বিভাগে পুরোদমে ক্লাস চালু ও ফাইনাল পরীক্ষার তারিখ ঘোষণা, শামীম হত্যা, ক্যাম্পাসে ভাঙচুর সহ ১২.১৪ মে অনাকাঙ্ক্ষিত ঘটনার বিচার বিভাগীয় তদন্ত সাপেক্ষে দোষীদের শাস্তি প্রদান, বিশ্ববিদ্যালয়ের ফান্ড থেকে নিহত ও আহতদের পরিবারকে আর্থিক ক্ষতিপূরণ প্রদান এবং বিশেষ ব্যবস্থায় চতুর্থ বর্ষ দ্বিতীয় সেমিস্টারের পরীক্ষা ও প্রথম বর্ষের ক্লাস চালু। এ বিষয়ে তারা মঞ্জুরি কমিশন, রাষ্ট্রপতি ও প্রধানমন্ত্রীর হস্তক্ষেপ কামনা করেছেন।

শিক্ষকদের হুমকির বিষয়ে শাবি শাখা ছাত্র শিবিরের সভাপতি এটিএম শরিফুল আমিন সুমন বলেন, আমরা শুধু স্যারকে ক্লাস করার জন্য অনুরোধ করেছি মাত্র, কোনও হুমকি ধামকির ঘটনা ঘটেনি।

ড. জাফর ইকবাল বলেন, আমার ছাত্ররা আমাকে অপমান করেছে তা বলা লজ্জাজনক। আমরা পারিনি তাদের মানুষ করতে। ছাত্ররা আমাকে ক্লাস পরীক্ষা নেওয়ার জন্য চাপ দেয়। কিন্তু আমি পরীক্ষা নিয়েছিলাম ভিসি তা এসি'র মাধ্যমে বাতিল করে দিয়েছেন।



Muhammed Zafar Iqbal



Jafar Iqbal with his wife, Yasmin Haq